



Broj: 04-40-1-133/21
Sarajevo, 14.05.2021. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 12.05.2021. do 08:30 sati 14.05.2021. godine

Kantonalni operativni centar civilne zaštite je dana, 13.05.2021. godine u 09:25 sati primio informaciju od Policijske stanice Novo Sarajevo da je na lokaciji sela Sinanovići prema kanjonu rijeke Rakitnice nestala jedna muška osoba, rođena 1983. godine. Dežurni u Kantonalnom operativnom centru civilne zaštite odmah je obavijestio direktora Kantonalne uprave civilne zaštite Kantona Sarajevo i njegovog pomoćnika za mjere zaštite i spašavanja. Po nalogu direktora Kantonalne uprave civilne zaštite Kantona Sarajevo, u skladu sa propisanim procedurama angažovana je Služba za spašavanje iz lavina, potrage i spašavanje na vodi i pod vodom Kantonalne uprave civilne zaštite Kantona Sarajevo, čija su dva potražna tima odmah izašla na teren i započeli potragu za nestalim licem. Pripadnici navedene Službe povukli su sa terena u 20:10 sata, a nestala osoba nije pronađena.

Danas u ranim jutarnjim satima nastavljena je opsežna potraga za nestalim licem na cijelom dijelu kanjona Rakitnice. Služba za spašavanje iz lavina, potrage i spašavanje na vodi i pod vodom Kantonalne uprave civilne zaštite Kantona Sarajevo je na potrazi angažovala šest timova. Također, u potrazi učestvuju i dva tima Gorske službe za spašavanje stanica Konjic.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su tri manje



intervencije i to: jedna na gašenju zapaljene trave i niskog rastinja, jedna na gašenju zapaljenog smeća u devastiranom objektu i jedno obezbjeđenje sportskog događaja.

NAPOMENA: U protekla 24 sata pripadnici Profesionalne vatrogasne jedinice Kantonalne uprave civilne zaštite Kantona Sarajevo imali su jednu manju intervenciju na gašenju zapaljenog smeća u devastiranom objektu.

Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 12°C, vlažnost zraka 70%, barometarski pritisak 935,9 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvođe planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1